



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Obiectiones Satanæ, & Responsiones fidelis ægroti ad easdem.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

Pfal. 26.

& in Deo meo transgrediar murum. Et iterum: Dominus illuminatio mea & salus mea: quem timebo? Dominus protector vitæ meæ; à quo trepidabo? Si confitit aduersum me castra, non timebit cor meum. Si exarsit aduersum me prælium, in hoc ego sperabo. Rursum in loco: Fortitudinem meam ad te custodiã, quia Dominus susceptor meus es. Deus meus misericordia eius præueniet me.

Pfal. 58.

Accedit huc Oratio fidei, hoc est, quæ ex vera & pura in Deum fide proficiscitur: quæ sanè plurimum confert emolumentum ægroto, eiusq; animũ valde confirmat: solet: ut confidat se à Deo tanquam vitium eius membrum respici: eoq; minus dubitet se Domini esse, sine cuius uat, sine moriatur.

Rom. 14.

OBIECTIONES SATANÆ ET RESPONSIONES FIDELIS ÆGROTI
AD EASDEM.

Aduersus insidias diaboli, & quasuis tentationes, quid faciendum: & quomodo ei resistendum.

CAPVT

X.

Ioan. 14.

Saluator noster Iesus Christus apud Ioannem docet: Venit princeps mundi huius, & in me non habet quicquam. Itaque dubium non est, quin quod ausus est Satan in Dominum nostrum Iesum Christum capere nostrum, audeat & in nos, qui membra eius sumus. Sed non est quod trepidemus: quoniã quidem sub alio Christi tutissimi sumus. Sic namque in Malachia dicitur: Orietur vobis timentibus nomen meum Sol iustitiæ, & sanitas in pennis eius. Huc spectat imago GALLINÆ, quæ se Christus comparare dignatus est: nimirum, ut ad huius alitis ingenio & natura, suum in nos affectum declararet. Nam ob oculos videmus penè quotidie, quædam acerba

Malach. 4.

arbitrate animalculum hoc sese opponat aduersarius,
 pro pullis suis: quantòne studio eos sub alas congreget,
 neatur & foueat, neglecta proprii corporis iactura: cu-
 su discrimè pullis tuendis ac fouendis subire haud me-
 rit. Idcirco Christus dixit: Hierusalem Hierusalem, Matt. 23.
4. Eid. v.
 qua occidis prophetas, et lapidas eos qui ad te missi sunt,
 quoties volui congregare filios tuos, què admodum galli-
 na congregat pullos suos sub alas, & noluisti? Bene dicit
 se voluisse congregare filios Hierusalem, sicut gallina
 pullos suos sub alas, ut sicut ex ipsius comparatione cum
 gallina, desiderium salutis hominum in eo intelligimus;
 ita & comparatione hominum cum pullis, intelligamus
 quantopere Dei gratia, protectione, & fomèto egeamus.
 Unde orat Propheta David Dominum, ut velut pul-
 lum se protegat. Sub umbra alarum tuarum, inquit, Psal. 18.
 protege me. Ergo Christi prasidio muniti, non metua-
 mus aduersarium: quin magis ei fortiter resistamus, in
 omnibus sumentes scutum fidei, in quo possimus omnia
 tela nequissimi ignea extinguere: & galeam salutis, Ephes. 6.
 & gladium spiritus, quod est Verbum Dei. Scuto fi-
 dei excipienda sunt satanae tela, ne noceant: gladio spi-
 ritus, id est, Verbo Dei, ipse oppugnandus est & sternendus
 tentator, ne aduersum nos proualeat. Semper autem no-
 stre imbecillitatis memores, atque in Domino conforta-
 ti, non in nobis sed in Deo gloriari, ac victoriam sperare
 debemus. Propterea S. Iacobus ait: Subditi estote Deo: Iacob. 4.
 resistite autem diabolo, & fugiet à vobis. Hoc autem ante
 omnia diligenter obseruandum est, ne agroti, aut etiam
 si unquam cum diabolo de aliquibus fidei nostrae ar-
 ticulis disputandum nobis putemus: ne forte sicut Euam Genes. 3.
 seduxit astutia sua, ita corrumpantur sensus nostri, &
 excidant à simplicitate, qua est in Christo Iesu. Quare 1. Cor. 13.
 si de rebus fidei nobiscum agere nititur: protinus simpli-
 cissimas

- cissima fide Symbolum Apostolicum depromamus, nihil inquirentes, nihil hesitantes: & quod Catholica credit Ecclesia, hoc ipsum nos quoque credere profiteamur.
- Luc. 17.** Ad hac ardentem cum Apostolis Dominum Iesum, ut fidem nobis augeat, oremus. Ad reliquas eius Obiectiones seu Tentationes, perinde ut Christus Dux & Imperator noster in deserto, ita & nos ei obuiabimus: accipiendo nimirum eum, de quo modo diximus, spiritus gladium, Dei videlicet Verbum. Sic enim eo gladio usus est Christus, dum tentatori respondit: **SCRIPTVM EST.**
- Mat. 4.** **SCRIPTVM EST.** Ita autem fiet, ut ab oppugnatione nostri cesset, nosq; relinquat. Neque tamen omnia relictæ erimus, sed quemadmodum ad Christum angeli, fugato Satana, accesserunt, eiq; ministrarunt: ita & nobiscum erunt, ut nos custodiant in omnibus viis nostris.
- Psal. 139.** Hoc quippe mandati à Deo habent. Unde de eis Apostolus Paul. dicit: Oēs sunt ministratori spiritus, in ministeriū missi propter eos qui hereditatē capiēt salutis.
- Heb. 1.** Iam ponenda sunt tanquam capita quedam, ea que Satan plerunque solet obuiocere, quibus fideles in exitum sempiternum conatur pertrahere: & qua vicissim ad eius Obiectiones ex Scripturis sanctis respondenda erūt.

OBIECTIONES XVIII. SATANÆ AD ÆGROTI

- tum & totidem Responsiones fidelis ægroti.
- CAP. XI.** **OBIECTIO SATANÆ. 1.** Dulcis & inuoluta est hac mundi vita.
- Iob. 7.** **RESPONSIO FIDELIS ÆGROTI.** Scriptū est: Multa est vita hominis super terram: & sicut dies mercenarij dies eius. Si in hac vita tantum in Christo sperantes sumus: miserabiliores sumus omnibus hominibus. Pigrum & hospites sumus super terram. Neque habemus hic manentem ciuitatem: sed futuram inquirimus.
- 1. Cor. 15.**
- Heb. 11. 13.**

OBIECTIO II. Splēdidas relinquis opes: in quibus longum tempore voluptuari debebas. RESPONSO. Scriptum Eccl. 1. & 2.
 Est: Vanitas vanitatum, & omnia vanitas. Si annis multis vixerit homo, & in his omnibus letatus fuerit, meminisse debet tenebrosi temporis, & dierum multorum: qui cum venerint, vanitatis arguentur praterita. Et mundus transit, & concupiscentia eius. 1. Ioan. 2.

OBIECTIO III. Relinquis charissimam coniugem, dulcissimos liberos, & propinquos suavissimos: domum & agros, &c. RESPON. Christus Dominus meus dicit: Qui amat patrem aut matrem plusquam me, non est Mat. 10. 19.
 dignus: Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum: centuplum accipiet, & Vitam aeternam possidebit.

OBIECTIO IN PAVPERES IIII. Non te mouet pauperula vidua, & orphani tui, à quibus diuelleris? RESPONSO PAVPERIS ÆGROTI. Dominus Deus, Pater est orphanorum, & Iudex viduarum: propinquus fortis paruulorum, & pupillorum. Ipse dixit: Relinque Prouerb. 29.
 pupillos tuos, ego faciam eos viuere: & vidua tua in me Ierem. 49.
 sperabunt.

OBIECTIO V. Desereris ab omnibus: solus migras. RESPONSO Hæc dicit Dominus: Noli timere, quia redemi te, & vocasti te nomine tuo: meus es tu. Cum transieris per aquas, tecum ero, & flumina non operient te: cum ambulaueris in igne, non combureris, & flamma non ardebit in te. Noli timere, quia tecum sum. Item: Non te deseram neque derelinquam. In Deo itaque salutare meum, & gloria mea: Deus auxilij mei, & spes mea in Deo est. Nolo timere: plures enim nobiscum sunt, quam tecum. 4. Reg. 6.

OBIECTIO VI. Iratus est tibi Deus.

a 4

RESPON-

Michz. 7. **RESPONSIO.** *Iram Domini portabo, quoniam peccavi ei: donec causam meam indicet, & faciat iudicium meum: educet me in lucem, & videbo iustitiam eius.*

OBIECT. VII. *Propter iniquitatem corripit Deus hominem: ideo circumdederunt te mala, quorum non est numerus. Hæc flagella sunt peccatorum.*

RESPONSIO. *Scriptum est: Beatus homo, qui corripitur a Domino. Quem diligit Dominus castigat: flagellat onnem filium quem recipit. Multa flagella peccatoris: sperantem autem in Domino misericordia circumdabit.*

OBIECT. VIII. *Horrenda res, mors: miserum est mori.*

RESPONS. *Non moriar, sed vivam: & narrabo opera Domini. Credo videre bona Domini, in terra viventium. Beati mortui qui in Domino moriuntur. A modo iam dicit Spiritus, ut requiescant a laboribus suis. Mihi vivere Christus est: & mori lucrum.*

OBIECT. IX. *Pereundum est.*

RESPONS. *Christus Iesus dicit: Hæc est voluntas eius, qui misit me, Patris: ut omne quod dedit mihi, non perdam ex eo, sed resuscitem illud in novissimo die.*

OBIECT. X. *In pulverem redigeris. Subter sternetur tineæ, & operimentum tuum erunt vermes.*

RESPONS. *Christus est Resurrectio & Vita. Resuscitabit me in novissimo die. Oportet autem corruptione hoc, induere incorruptionem, & mortale hoc induere immortalitatem. Scimus quoniam si terrestris domus nostra huius habitationis dissolvatur, quod ædificationem ex Deo habemus, domum non manufactam, æternam in calis.*

OBIECT. XI. *Mortuo homine nulla est spes amplius.*

RESPONS. *Scio quod redemptor meus vivit, & in novissimo die de terra surrecturus sum: & rursum circumdabor pelle mea, & in carne mea videbo Deum: quem*

quæ

cum visurus sum ego ipse, & oculi mei conspecturi sunt,
& non alius. *Reposita est hac spes mea in sinu meo.*

OBIECT. XII. Peccator es omnium maximus.

RESPONS. *Fidelis sermo, & omni acceptione dignus: 1. Tim. 3.
quod Iesus Christus venit in hunc mundum, peccatores
saluos facere: quorum primus ego sum.*

OBIECT. XIII. Superant peccata tua arenam Pfal. 119.

RESPONS. *Copiosior est Domini misericor-
dia. Sicut fuit sensus meus, ut errare à Deo, decies tan-
tum iterum conuersus, requirameum. Quoniam secun-
dum altitudinem cali à terra, corroborauit misericor-
diam suam super timentes se. Suauis Dominus uniuersis
suis, & miseraciones eius super omnia opera eius. Bene-
placitum est Domino super timentes eum, & in eis qui
sperant super misericordia eius.* Baruch. 4.
Pfal. 102.
Pl. 144. 146.

OBIECT. XIII. Scriptum est: *Altissimus odio* Ecclef. 12.

habet peccatores: & impiis reddet vindictam.
RESPONS. *De obduratis & impœnitentibus dictum
est: Qui enim metis est dura, corruet in malũ. Et: Cor-
durũ malè habebit in nouissimo. Sic autem habet Scri-
ptura: Misereris omnium, quia omnia potes, & dissimu-
las peccata hominum propter pœnitentiam. Diligis enim
omnia qua sunt, & nihil odisti eorum qua fecisti. Par-
cis autem omnibus: quoniam tua sunt Domine, qui amas
animas. Et in Ieremia dicit Dominus: Si pœnitentiam
egerit gens à malo suo quod locutus sum aduersus eam:
etiam & ego pœnitentiam super malo quod cogitavi ut
ficerem eis.* Prou. 28.
Ecclef. 8.
Sap. 11.
Ierem. 18.

OBIECTIO XV. Serò nimis peccatorum pœnitet.

RESPONSIO. *Haud serum est, quod verum. Et la-
tratis in cruce Christus, Hodie, inquit, mecum eris in
paradiso. Dicam ergo cum eodem: Domine, memento
mei, cum veneris in regnum tuum.* Luc. 23.

Rom. 3. OBIECT. XVI. *Iustus est Deus: nec vllum peccatum impunitum relinquit.* RESPONS. *Scriptum est: Omnes peccaverunt, & egent gloria Dei: iustificati gratia per gratiam ipsius, per redemptionem qua est in Christo Iesu, quem proposuit Deus PROTITIATIONEM per fidem in sanguine ipsius. Et rursus: Si quis peccaverit, Advocatum habemus apud Patrem, IESUM CHRISTUM IUSTUM: & ipse est Propitiatio pro peccatis nostris: non pro nostris autem tantum, sed etiam pro totius mundi.*

Psal. 31. OBIECT. XVII. *Migras hinc peccatis onustus & cooptertus: nudus bonis operibus.* RESPONS. *Beati quorum remissa sunt iniquitates: & quorum tecta sunt peccata. Ego autem gaudens gaudebo in Domino: & exultabit anima in Deo meo. Quia induit me vestimentum salutis: & indumento iustitie circumdedit me.*

Isa. 61. OBIECTIO XVIII. *Condemnaberis: non est tibi pars in Regno Dei.* RESPONS. *Vox Filij Dei est, Iesu Christi Domini mei: Sic Deus dilexit mundum, ut Filium suum unigenitum daret: ut omnis qui credit in eum, non pereat, sed habeat vitam eternam. Non enim misit Deus Filium suum in mundum, ut iudicet mundum, sed ut salvetur mundus per ipsum. Qui credit in Filium, habet vitam eternam.* ALIA D. BERNARDI. *Fateor, non sum dignus ego, nec propriis possum meritis Regnum obtinere celorum. Ceterum duplici iure illud obtinens Dominus meus Iesus Christus, hereditate scilicet Patris, & merito Passionis: altero ipse contentus, alterum mihi donat: ex cuius dono, iure illud mihi vendicans, non confundor.*

Vitz Bern.
lib. 1. ca. 12.
Hæc sententia sup. lib. 1.
ca. 28. etiam
posita est:
digna quæ
sepe repetitur.

Quid

Quid nam ægrotus ad diaboli deliniamenta, quibus illius merita extollere nititur, respondere, ac de se sentire debet.

Hoc quoque serîo cogitandum, cruentam illam **CAFVT**
 stiam, stygium hostem Satanam, sepe transfigura- **XII.**
 re se in angelum lucis: & quem ad desperationem lar- **1. Cor. 11.**
 uata facie adâncere non potest, alia assumpta persona,
 eum ad sui suorumq; meritorum fiduciam sollicitare:
 quo quidem astu permultos decipit. Exemplo est gloria-
 bundus ille meritorum suorum iactator & ostentator
 Pharisæus: cui Publicanus, quia peccatorem se humi- **Luc. 18.**
 liter agnouit, ab ipso Christo prelatum est. Venerunt due
 naues, ait D. Joan. Chrysost. habentes onus: ambe por-
 tum ingressæ sunt: sed Publicanus pulchrè in portum
 Chryf. Ho-
 mil. 4. de
 Verbis Esaiæ.
 Vide Domi-
 num.
 appulit, Pharisæus autem naufragium perpeffus est: ut
 disceres, quantum mali sit animi tumor. Valde timen-
 dum est hoc diaboli præcipitium: extollit in altum, quem
 antiè deprimerè nequibat, ut lapsu grauiore ruere faciat
 magnificè sublatû. Proinde si suggerit Tentator ægrotò:
 Purus es ab iis vitiis, quibus ille & ille laborat: respon-
 deat, Est igitur, vnde Domino Deo meo gratias agam,
 non est vnde mihi placeã. Nã nisi me Domini Miseri-
 cordiã protexisset, & si similis irruisset tentatio: patraf-
 sem eadem, aut forte sceleratiora. Ad eundem modum, si
 proponit multa & præclara Opera, puta, ieiunia, vigi-
 lias, orationes, eleemosynas, & id genus alia: huiusmodi
 praua suggestioni humiliter de se ac submisso sentiens
 ægrotus, & peccata sua in memoriam reuocans, cû Apo-
 stolo Paulo dicat: Gratia Dei sum, id quod sum. Et cum **1. Cor. 15.**
 Prophetâ David clamet: Non intres in iudicium cum **Psal. 142.**
 seruo tuo: quia non iustificabitur in conspectu tuo omnis **Ierem. 48.**
 viuens. In Ieremia legimus dictum aduersus Ezebon:
 Pro

Pro eo quod habuisti fiduciã in munitionibus & in thesauris tuis: tu quoque capiẽris. Munitiones & thesauros intellige varia Spiritus S. gratiarum dona, & opera bona plurima: in quibus ni capi voluerimus à Satana obseruare oportet Regulam hanc à Salvatore nostri Iesu Christo præscriptã: Cùm feceritis omnia, quæ præcepta sunt vobis, dicite, Serui inutiles sumus: quod debuimus facere, fecimus. S. Iob, cui testimonium reddidit diuina Scriptura, quod fuerit simplex & rectus, ac timens Deum, & recedens à malo, dicit tamen: *Quantus ego sum, ut respondeam Deo, & loquar verbis meis cum eo? Qui etiam si habuero quippiam iustum, non respondebo, sed meum iudicẽ deprecabor. Si iustificare me voluerit, os meum condemnabit me: si innocentem ostẽdero, prauũ me cõprobabit. Etiam si simplex fuero, hoc ipsum ignorabit anima mea. Si lotus fuero quasi aquis niuis, & fulserint velut mundiissima manus meæ: tamen fordebus intinges me. Quid ni contremiscat quãuis perfectũ iustitia, ad tribunal iustitiæ diuinæ: cùm nec astra sint munda in conspectu eius? Celi, inquit, non sunt mundi in conspectu eius: quanto magis abominabilis & inutilis homo, qui bibit quasi aquam iniquitatẽ? Et iterum: Ecce luna etiam non splendet, & stella non sunt munda in conspectu eius: quanto magis homo putredo, & filius hominis vermis? Ecce qui seruiunt ei non sunt stabiles, & in angelis suis reperit prauitatẽ: quanto magis hi, qui habitant domos luteas, qui terrenũ habent fundamentum? Et Esaias dicit: Facti sumus vt immundi omnes vos: & quasi pannus menstruata vniuersa iustitiæ nostræ. Atque ideo p̃i fideles in æterna Beatitudine constituti videntes admirabuntur vtiq̃ue: ac fortasse querent, quibus operibus tantã percipere meruerint mercedẽ? Sed audient: Non ex operibus iustitiæ, quæ fecistis vos, sed secundum suam*

Luc. 17.

Iob 1.

Iob 9.

Iob 15.

Iob 25.

Iob 4.

Esa. 64.

M. Marulus,
de Relig. lib.
6. cap. 12.

Tit. 3.

miseri-

meritorem misericordiam piissimus Dominus saluos vos fecit. Non enim condigna erant passiones huius temporis tanta ac tali gloria: sed omnium bonorum largitor Deus, diues in omnes, nouit dare magna pro modicis, pro breuibus & momentaneis sempiterna.

In fallacem Meritorum fiduciam, vtilissima S. Patrum Admonitiones.

Periculum certè non exiguum est, ad Opera nostra spectare: nam si mala sunt, inde mox oritur desperationis occasio: si bona, facile nobis ob ea placentes, per inanem gloriam, quicquid in eis erat meriti amittimus.

Alia quippe quaecunq. iniquitas in malis operibus exercetur ut fiant: superbia verò etià bonis operibus insidatur, ut pereant. Reddet Deus haud dubie mercede iustis laborum suorum: sed quid in iis nisi sua dona coronabit?

Quid, quod saepe (ut rectè à S. Gregorio dictum est) lustrina nostra, iniustitia est: et sordet in distinctione iudicis, quod in estimatione nostra fulget. Quemadmodum enim lucerna in tenebris splendere cõspicitur, sed in solis radium posita obtenebratur: ita & nos speciosum quid in nostris quidem oculis peregrisse videbimur, quod in conspectu tamen Dei, qui illuminabit abscondita tenebrarum, & manifestabit consilia cordium, nullo forsitan in pretio habebitur. Rectè proinde Agathon, ad quem cum dicerent discipuli, Et tu pater times agrotans? Respondit: Laboravi in hac vita, qua potui virtute, in custodiendis mandatis Dei: sed homo sum, & nescio si placuerint opera mea Deo: quia alia sunt iudicia Dei, alia hominum. Sint igitur in conspectu, in hoc tentationis genere, preclarissime trium illustriũ Ecclesie Patrum, Ambrosij, Augustini, & Beda Admonitiones: qui non minus veræ humilitatis quàm eruditionis gloria conspicui fuerunt. Ea sic habent.

AMBRO-

Rom. 8.

Rom. 10.

XIII.

August.
Epist. 109.

Sap. 10.
Vide Aug.
Epist. 105.
& in Psal.
70. 98.

1. Cor. 4.

In Collationibus Patrum.

AMBROSIVS.

Ambros. ser.
20. super
Psal. 118.
ad vers. Vi.
de humilita-
tem meam.
Rom. 14.

Nemo sibi arroget, nemo de meritis gloriatur, nemo de potestate se iactet: sed omnes speremus per Dominum Jesum misericordiam inuenire, quoniam omnes ante tribunal eius stabimus: de illo veniam, de illius indulgentiam postulabo. Qua enim spes alia peccatoribus? Et qui se hic aurum putat, habet plumbum: & qui putat se granum tritici, habet paleam, qui possit exuri.

AVGVSTINVS.

August. Cō-
fess. lib. 9.
cap. 13.

Veritas etiam laudabili vita hominum, si remota misericordia discant eam Domine. Quia vero non exquiris delicta vehementer, fiducialiter speramus aliquid quem apud te locum inuenire indulgentie.

IDEM.

In Expositio-
ne Psal.
142. ad vers.
Non intres
in iudicium.

Merito humilis in corpore Christi discens à capite, quoniam mitis est & humilis corde. Ne intres, inquit, in iudicium cum seruo tuo. Non litigemus: noli tecum habere causam, ut ego proponam iustitiam meam, tu conuincas iniquitatem meam. Ne intres in iudicium cum seruo tuo: quoniam non iustificabitur coram te omnis uiuens. Iustificare forte potest se coram se, non coram te. Quomodo coram se? Sibi placens, tibi displicens: coram te autem non iustificabitur omnis uiuens. Noli ergo intrare mecum in iudicium Domine Deus meus. Quantumlibet rectus mihi videar, producis tu de thesauro tuo regulam, coaptas me ad eam, & prauus inuenior. Ne intres in iudicium cum seruo tuo. Indignum est tibi cum seruo tuo intrare in iudicium, nedum cum amico quidem tuo: quia vobis dico amicis meis non ducetis,

Iean. 15.

dices, nisi ex seruis amicos tuipse fecisses. Tu licet
 dicas amicum, ego confiteor seruum. Misericordia
 indigeo, fugitivus redeo, pacem quero: non sum di-
 gnus vocari filius tuus. Ne intres in iudicium cum
 seruo tuo: quia non iustificabitur in conspectu tuo
 omnis vivens.

Luc. 15.

BEDA.

Pulsamus infatigabili desiderio eterna Beatitudinis,
 aures pie conditoris: nec cessemus a ceptis priusquam
 illo aperiente, de carcere mortis huius mundi eripi, ac
 portam mereamur celestis Patria ingredi. Nemo sibi
 blandiatur de innocetia, nullus fidens suis actibus, qua-
 si qui misericordia iusti iudicis non egeat, a preci-
 bus cesset: quin potius etiam cum se aliquid boni quis
 egisse cognoverit, quia qua hoc districtione iudicetur
 ignorat, tremens cum Propheta clamet: Ne intres in
 iudicium cum seruo tuo: quia non iustificabitur in con-
 spectu tua omnis vivens. Et cum beato Iob: Si iustifica-
 re me voluero, os meum condemnabit me. Si innocentem
 ostendero, prauum me comprobabit. Memor istius Apo-
 stolici sermonis: Si dixerimus quoniam peccatum non ha-
 bemus, ipsi nos seducimus, & veritas in nobis non est. Si
 confiteamur peccata nostra: fidelis est et iustus, ut remit-
 tat nobis peccata nostra, et emundet nos ab omni iniqui-
 tate. Si dixerimus, quoniam non peccauimus, mendace fa-
 cimus eum, & verbum eius in nobis non est. Neque rursus
 quisquam considerata peccatorum suorum qualitate, seu quan-
 titate, a petenda venia mente desperando renocet. Ne-
 mine visa suorum putredine vulnerum, sui magnitudo lan-
 guoris, a salute querenda retrahat. Prebeat magna obti-
 nenda sanitatis fiduciam, quod ipse Conditor noster, Medicus
 nobis fieri, ipse ad nos venire in carne, ipse infirmitates
 nostras

Beda in cap.
1. Euang.
Luc.Psal. 142.
Iob. 9.

1. Ioan. 1.

Esa. 53.

nostras suscipere ut sanaret, dolores nostros ut auferret portare dignatus est: ipse pro nobis suum sanguinem fudit: suam pro vita nostra mortem obtulit. Ipse magis peccantium admissis, magna poenitentia remedia ostendit: ipse rogari ut praestet, amat: qui animos inopum ad se rogandum largus donator erigit, dicens: Omnis qui petit, accipit: & qui querit, inuenit: & pulsanti aperitur. Non ergo dubitandum, quod petentes accipimus: querentes inuenimus: pulsantibus nobis aperietur: qui nimirum fallere non potuit Veritas qua promissit.

Luc. 11.

PROTESTATIO HOMINIS
CHRISTIANI EGROTI.

CAPVT

XIII.

Ex Ioan.
Lansp. &
Eud. Blofio.

Ego miser & infelix peccator, redemptus tamen pretioso Sanguine D. N. Iesu Christi, per magnum ipsius erga me Dilectionem, non meum meritum: Prostor coram omnipotenti Deo, & tota Curia caelesti, cupere & velle in ea Fide vitam hanc finire in qua conuenit obedientem S. Ecclesiae Catholicae filium mori. Credo & confiteor vniuersas & singulas partes Fidei Christianae, duodecim Articulis, vel aperiè expressis, vel rationabiliter inclusas: secundum quod à Spiritu sancto per duodecim Apostolos veritate Euangelicis traditi sunt. Ad haec credo, & adhaereo illorum interpretationibus seu declarationibus, non quorumvis, sed quibus suis: sed iis, quae per sanctos Patres edita, à S. Conciliis approbata & confirmata sunt. Et generatim credo quidquid verè Christianus credere debet. Haec immobilem & firmam Fidem tenere volo, tanquam firmissimum & inuictissimum aduersus omnes Satanae assaultus & insidias, Scutum. Quapropter, si vel hostis impugnatione, vel morbi violentia pressus, aliquid hoc proposito contrarium cogitarem, loquerer, aut facerem iam illud

Ephes. 6.

illud renoco, & contestor nullo modo consentire me
 in libris cogitationibus, verbis, aut operibus. Quod vero
 in me est, ignosco & remitto omnes iniurias & molestias
 mihi quomodocunque illatas: id ipsum humiliter petens
 mihi fieri ab his, quos vel verbis vel factis unquam of-
 fendi. Agnosco autem me hactenus non pure nec sancte
 vixisse coram Domino Deo, sicut vivere debueram.
 Agnosco scelera mea multa nimis. Agnosco culpas &
 negligentias meas infinitas. Agnosco quidquid mali per
 omnem vitam meam commisi: & supplici mente mise-
 ricordissimo Domino Deo nostro veniam peto: dolens,
 quod unquam eum offenderim. Quamuis autem gra-
 viter, & multis modis deliquerim: non tamen diffido de
 benignissima Misericordia Redemptoris mei: sed spero
 me per Meritum, non meum, sed Passionis & Mortis
 eius, participem futurum eterne Vitae. Itaque gratias
 ago misericordissimo Creatori meo, pro omnibus suis in
 me beneficiis in Christo Iesu exhibitis: commendoque ani-
 mam meam in manus eius: quiescens in amaritudine
 Passionis Domini & Salvatoris mei Iesu Christi. Cui
 laus & honor, in perpetuum. Amen.

PRECATIVNCVLA.

Sancta Trinitas, conserva hanc Fidei meae incorami-
 natam religionem: & usque ad excessum spiritus
 mei, dona mihi hanc Conscientia meae vocem, ut quod in
 regenerationis meae Symbolo, baptizatus in Patre, &
 Filio, & Spiritu sancto, professus sum, semper obtineam.
 AMEN.

Hilar. lib. 7. 2.
 de Trinitate.

Matt. 28.